

故宮博物院
故珍集

金太史集·曹勳大詩草



故宮博物院編 海南出版社

故宮珍本叢刊第 529 冊明代詩文別集

故宮博物院編

金太史集

曹勳大詩草

海南出版社

圖書在版編目(CIP)數據

大明太宗皇帝御製集/(明)成祖撰. —影印本. —海口:海南出版社, 2000. 10
(故宮珍本叢刊)

本書與“重刻徐幼文北郭集/(明)徐賁撰”等 29 種書合訂

ISBN 7-80645-747-X

I. 大… II. 成… III. 文學-作品綜合集-中國-明代 IV. Z121.7

中國版本圖書館 CIP 數據核字(1999)第 68755 號

故宮珍本叢刊第 529 冊

明代詩文別集

金太史集 曹勳大詩草

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:24.75 印數:1-400 冊

ISBN 7-80645-747-X/Z·25

定價:2670 元(明代詩文別集 30 種共 16 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

原書“序”缺第1面。

太上焉孔之有若老之關
尹喜之流則德與功不槩
見而論不詭于聖人耳目
前不得有其人決不可無
其說此言語之科也又其
熊序二

次也今嗇夫撫人弄尺槩
若丸收淺目者一日之直
輒自喻適志而逐臭之夫
利易義則又互相則儆直
以其一日爲千秋敝天下

人頭目髓腦盡銷于尺幅
而莫之知悔未有如文字
一途沒溺人之甚者矣吾
友子駿氏德不至聖人而
是其器功未侔豪傑而有
熊序三

其心籌一事必詳其利病
原要其始終可以垂萬世
無敝而後著爲論述位置
一人必明其所已然逆其
所未至可以等百王莫違

而後見諸褒譏故儒生小子匹夫匹婦讀其書聞其說莫不歌且哭如窮得怙暗得光上至

九五之尊開陳咫尺亦穆朕

熊序四

爲改容怛朕爲雪涕所最忌嫉不相容惟是食人之食不事人之事不憂人之憂者去之惟恐不遠殺之惟恐不速蓋

至尊與至衆各有其願治之

衷急於燎溺故其應如響彼食人之食者厚身謀而忘國恤既不喜人一言國事又甚虞夫言國事者或

熊序五

發其身謀敗塗地也蘭雖芳肯容其當戶耶蓋黃虞而上大淳未散教民耕稼者並是聖人故人食不言之利商周以還人心雕喪

民禍重而福輕。傲智掛勇者，畀之小康，已溢望。雖有聖賢間出，恒上下不相遭。安所得聖人爲之君，復爲之相，如禹、皋、陶、夔、龍、稷、契。

熊序六

一堂盛事乎。朕則子駿之言，不獨當世不能用，盡後世亦莫有能用之者矣。夫言至身前後俱不用，世俗所謂不祥，莫大此矣。奚取

于授之梓爲木災，幾幸千百年後千萬人中有一人焉，對之歌且哭，或改容而雪涕，則皇天賴以不墜，人心賴以不死。如孔老諸聖

熊序七

賢言滿天下，幾曾有見諸施行者。而戶誦家絃，實未嘗少輟。譬諸水高原廣野，雖不睹其一舟萬斛一瀉千里之能，而舟水以此滋

生穀菜以此成熟德在不
可思功在不可見萬世莫
誣也吾子駿之言亦若是
則已矣

崇禎甲申仲春月眷社第

熊序

熊開元題於武林戌邸



新安程定之刻

金正希先生文集輯略目錄

一卷

廷試策館課

二卷

奏疏

三卷

書

四卷

書

目錄

五卷

書

六卷

序

七卷

壽序

八卷

傳記祭文誌銘跋引雜著

九卷

程定之刻

書說語錄

目錄

金正希先生文集輯略目錄卷之一

廷試策一道

生知安行論

心存無盡性之理論

一人元良萬邦以貞論

政在養民論

積貯天下之大命論

大器猶規矩準繩論

孔子稱伯夷叔齊論

目錄

卷之一

舉邊才足兵餉議

救荒弭盜議

澹泊寧靜解

比九五泰九二說

玉堂讀書

恭遇聖駕郊祀

御河春水

賦得我愛夏日長

大捷志喜

金臺行

賦得拊髀思願牧

夢齊良弼

桑昂兒歌

目錄

卷之一

廷試策 戊辰

臣對臣聞帝王之嗣服中興也有率舊之章所以靜朝野之業而一其志有取新之道所以作內外之事而致其功其舊維何所謂聖神往而精詳嚴密之制無有求而不備亦無舉而不靈上有必循之典刑則下有可問之老成而不得以意與者也其新維何所謂聖神出而參伍錯綜之宜無有令而不行亦無禁而不止上有必核之名實則下有自易之意氣而不得以習狃

金太史集

卷一 策

者也夫意起於一日而一日之意不可驟以爲新故其道必有所考舊之而愈以新則今日復見之威儀也原非操不易法而教不變俗而治之說以漫爲顯承習成於累世而累世之習不可安以爲舊故其道必有所反新之而適如舊則本朝自有之制度也亦非執祖宗不足法人言不足畏之說而以爲更始自古帝王所以折攝羣英閑其偏黨逆則有挽流必上之權鼓舞萬類必歸正直順則有建旣自下之勢師濟已

自不關於鵷班芳旌亦可旁施於鼓澤人與官

不相浮官與事不相閣繇斯道也知之非難行

之惟難得君實難得臣豈難千古一時迺在今

日欽惟

皇帝陛下

精微執中

明哲作則

夙夜宥密感人心而和平

日月就將鼓萬物以盛大

金太史集

卷一 策

二

靖奇氛於宮廷而四罪咸服柄指天下之春

渙大汗於中外而五福用章氣奮地上之蟄

圖書時環左右實以肅制心制事之規取一世而

運之掌

杼軸遠念東南則并厯玩人玩物之戒翼兆民而

置諸懷

清明在躬百度惟貞舉朝已唱天保之頌陰陽白

上彛倫攸叙率土共欣皇極之疇雖竭古今之

盛事未或揚扆無遺迺猶黜已安已治之議思

萬舉萬當之籌進臣等於

廷賜之咫尺之地得論天下之事以任賢圖治之大

務稽圭筆方來之微臣臣伏念今肯或迺忠臣

孝子覽前籍而嘆載難見之休不謂鯁生豎儒

及此生而以一日躬逢其盛扣之不鳴臣愧金

石勦說雷同義不忍出雖不悉當敢盡其愚臣

謹按詩書紀詠之辭若虞周上下之間莫不盡

制分官專精得人用能熙載亮工咸和不冒顧

官不必備人惟其賢則有十百爲數遠勝千萬

金太史集

卷一 策

三

欲宜得人非人得官則有出處異趨同襄盛烈

如此則何患乎有才而無官以給致慮於野之

遺賢如此則何患乎多位而無人以充動念於

人之難求或曰上古事簡則懷襄之平封畫之

密漢唐而後曷嘗稍比其殷浩果若斯言是未

世人才當復遠過三代矣或曰遠古氣厚則醇

既日凋滴復日散前人不作久後漸當爲鬼魅

必執斯言彼洪荒創闢俱不屬聖神力矣撥亂

反正之才代不乏人閑邪存誠之道實惟聖功

其君皆不徒爲一日苟安之計而具存天下萬世之懷故其臣亦皆忘富貴利達之心以念萬聖生民之寄夔龍夷益未嘗分九州以領官牧之任大夫卿士未嘗限千八百國以均王朝之班人心不爭盛衰於鄉國大才不念炎冷於旦夕致治之隆於今爲烈臣因熟計爰得淺論以爲天下有大勢貴識大勢而審其先後物情有流弊宜察流弊而衡其重輕拮据滋殖大都用心於事物應更以臣民爲事物之樞軸煩理劇

金太史集

卷一

策

四

無不浩嘆於八才尤知以人心爲人才之本張羅設網以盡禹類而官各有制唯更一代而鑒弊卽以盡善雖漢唐之盛皆有可紀此不得果蕩成憲者也奮庸蒸髦以輯庶務而人各有心每閱一世而久安卽以滋玩卽虞周之後非無可鑒又不得怯被俗例者也洪惟我

太祖高皇帝攬八紘之洪緒一六合而光宅當時經文緯武之儔致詰兵理財之效者亦何其有求卽獲卽其設官而輕重大小之相維以爲用賢

登奸之并得者又何其靡事不舉夫君臣之道至比天地此皆以覆載萬物爲心也在人之道方之用器此言可用之材尚不得混置也大哉聖訓內之而使含光庶位擢穎朝廷外之而六幽宅心萬靈仰德以此

列祖相承世有洪圖卽宵豎間出債而偉碩時建勲節廼至

陛下而承謨顯烈之日又卽爲出剝入復之時雖操曲木者不累日銷金石者不踰月人情宜更見

金太史集

卷一

策

五

易而期月而可期年而變三年而化五年而定元聖亦復需時尙有可言臣何敢端臣竊觀邇日東西南北警報并聞錢穀訟獄普天同劇外飛羽檄內疊簿書事已勤也芻粟不絕土馬猶枵屯離久教公私同竭至賣虎冠又鬻銅矜財已匱也誠如

聖問可屢過憂願臣愚慮謂不在此臣來田間而有見也賦豪民之田莫不什五貨富室之息率盡倍稱而督農隴畔非有田畯追課蓬門但聞胥

金太史集

卷一 策

六

史又其甚而椎埋嘯聚之傑正不盡出於饑寒臣入都門而有見也趨謁報謝之節日頗長安之騎傳空引滿之歡湯勞庖宰之治至於息偃在床多對妻妾及其出入風議半爲恩仇推其故而叢勝度閤之事反不盡錄於鈍拙益覺序之教不餽於前而選陟之道又乖於後自兩科而外鮮有不賂而得之官從兩科而後亦希有舊業可理之人豈天下之無才有才而掣之以岐路蕩之以大浸才不必爲國用則心靈也豈

金太史集

卷一 策

七

毀人有恒言曰忠厚則顯陛下之範諸臣以學作忠也凡皆近輕而莫肯爲重夫兔走輕於麒麟燕飛輕於鳳凰龜躍輕於靈龜蛇騰輕於神龍人有恒言曰廉重則顯陛下之化諸臣以廉成重也礪世磨鈍之具無予天下以必得無絕天下以必不得而竭情盡志以祈一得者無不有事於軍國洗心革面之權無開天下以可免無閉天下以不可免而屏息絕迹以幸一免者要不自藏於身家相觀而善則無尤而效之之舉有私必敗遂無利而爲之時法紀盡明而官和於朝官廼稱百將在其中矣蒼黎盡輯而民和於野民廼稱萬士庶在其中矣四方有改折箠鞭之如聖問所稱四患豈足長履宸憂哉抑臣更有言陛下自登極以來萬物幸聖人之作抑似觸目皆祥至於聞寇不驚何物相倚一人是恃夫舉世惟一人之是恃一人誠不可以自無所恃舉世惟

一人之是恃一人亦復不可以更有恃也學不務博惟致其道道不求奇惟期於明目無全牛乃解衆理隔垣見人斯蕩藏結故上下一日百戰雖自衰世之言多士三千一心尚非目前之事惟

陛下靜鑒其時因神其化則朝咏康哉野呼幸甚五帝豈足六三王豈足四哉說有必立而曠於實非微臣所敢罔言有辭拙而當於用惟

陛下之採擇草野愚臣不知忌諱干冒

金太史集 卷一 策

八

宸嚴不勝戰慄預越之至臣謹對

生知安行論 館議

道德之難言也在天人之際達乎天而後可以存人此一定真常之說而非高世絕俗之論也今夫人何所不至哉聖人所恃以經綸天下謂天下之必繇我而經綸也者恃其天在耳時移事變類聚羣分治亂貞邪至莫可端倪而究其極有終弗可易者不能與天奪也若充其力而可以至乎其天則亦存乎無所不至之人而已其不可以至乎天者則物矣故知與行二者聖人之道所因以常存於天地之間者也天

金太史集 卷一 論

九

下之知行其不盡出生安也夫人而知之雖密觀於聖人而究所從來不能盡然也况欲慨天下之人哉雖然聖人不常作以爲斯道也者必聖人知行焉而他焉者莫之與也則已矣若其求也則闕天下而選之去其不求知不求行者置勿論其有心知行者自不必生安而究無不歸于生安其不生不安焉者則直謂之不知不行焉可矣非但然也所謂不求知不求行者彼終日所營營而苟能不操一格以準之而微鑑其所出非不終日知且行也卽彼所知知無不

生即彼所行無所不安今日求知行而顧此輩之不振則亦何以取諸已有而以之主張倫物而有餘聖人作而以為可以經綸天下謂天下之必繇我而經綸者見乎此此所謂天耳天一而已達之乎道而豈有五達之乎德而豈有三此天之定也顧達道而自不能不五達之德而自不能不三此天之不窮也天故能生能生故亦能學能困天故能安能安故亦能利能強非其所生非其所安雖竭天下之智力亦豈能困之毫末而強之斯須哉君臣父子昆弟夫

金太史集

卷一 論

十

婦朋友之道聖人作之而天下不以為疑舉而措之而莫以為不當也不可謂聖人以之困天下之人而強之從我也舉凡困天下之人而強之從我省或不以終朝况萬世乎故曰聖人能以天下為一家中國為一人非意之也必知其情明於其義達於其患易為必知其情明於其義而達於其患也其不欲困而強之斯亦明矣雖暫困之困之而即以生雖暫強之強之而即以安故學利困勉者暫也聖人與天下所共不得已也生安者大常也萬物之所歸也方其未

之知未之行也視彼已知已行者則生安耳視彼能知能行者則學利耳視已之求知行而若弗得也則困勉焉已矣究竟何有哉孟夫子恒言之矣曰是集義所生曰自得之則居之安聞一知二頓悟絕人而或以為不如愚也謂非所生也克伐怨欲不行筋力絕人而或以為仁則不知也謂非所安也今天斯昭昭之多仁智百姓莫不各有其天而吾既欲然以為非大全也於是乎反不生不生而學學且困於是乎反不安不安而利利且勉蚤夜以圖若求仁子

金太史集

卷一 論

十一

而急君父也者以吾不幸而不能如仁智百姓之各任其天也而方於彼既多不生不安之意以吾又幸而知百姓仁智之不克盡其天也而反諸已又有不容絲毫生絲毫不安之責以是為不知已詬厲而彼不知者觀其外若亦皇皇以為多事也吁豈獲已哉易曰不習无不利蘊子傳曰習而後利則利止于所習者矣天下莫不惡難而就易無必生安之志自無肯困勉之功論知行者接踵而起莫不以為道在是也可使由不可使知者民也而豈士哉嗚呼君子

遵道而行耳知德者鮮矣

金太史集

卷一論

十二

心存無盡性之理論

知性者實難也知性則於學問之道庶乎有入而因
而觀古今來聖賢之說或同或異或與或奪皆有以
悉其意之所指而洞然一無所疑矣古昔聖賢立言
皆出於不得已其不得已者何也以爲吾幸而能然
而天下人莫能知其然也卽不能盡知其然而天不
喪道宜有一二英靈者與於此也或不獲遇焉而吾
烏從喻之則不得不託之書託之書而始假名立字
以曲暢其意而後之起者不自量其淺深小大隨其
所見而遂相與展轉辯析於名字之間其言有至有
不至而聽之者有惑有不惑不惑者無幾惑之而以
自誤相尋以入於斷港荒徑而莫自返者比比是也
儒者之論莫要於心性而橫渠則云心存無盡性之
理抑若心與性截然爲二物者誠二物也則取人細
鵬與反身自考應得析而白之如是者心如是者性
今耳視目聽於此也欲將以何爲心以何爲性也哉
卽以爲此中荒忽未易指示意天下聰明靜巧者宜
必了了而吾以爲必無是理也一人耳區分而縷析

金太史集

卷一論

十三

之可以千百其處而所以靈於萬物而爲人者決無從截然二域也卽以爲今日衆人所用者心耳達於聖神而性見焉則是今日衆人竟可以謂之無性也且也聖神無一朝而達焉者也不知其達而未逮達之時此一物之爲心者幾何分其爲性者又幾何分也哉今以是說之不通也而又以爲非二物也非二則橫渠之說又將謬矣且古之二而言之者多也何獨橫渠也哉嗚呼此名字之惑人也孔子之所以欲無言而庖義氏之所以畫象也易逆數也聖人以此

金太史集

卷一

論

高

洗心退藏於密故聖學有退而無進退者逆也世之學者發慮出言莫不在六十四卦中卽推入至精以爲居然太極也而不知其入六十四卦之中已久終其身入六十四卦之中而究竟無一畫之獲不知逆之故也今夫聖賢易爲與人言性也綱紀倫物莫不精密以是爲足以教天下矣而必與之言性焉逆之至也其意以爲天下之能與於斯者誠寡也千萬人而不一見一人焉而能之一逆而未始有一畫之中此六十四者一旦燦然於前而惟其所用而且以教

天下之咸用而不得已以語人曰此性也生之謂性天下萬世以其出於告子之言而不謂然也不知此非告子之言也易有太極是生兩儀以下諸生字皆言性者也告子知有生而不知其成也以是見屬於孟子自此生之自此成之故曰誠者天之道物之終始而易亦曰成之者性也性之誠大畧具此矣人之生也莫不日逐於生而莫能反其所自生不知所自生者之無窮而生之有限夫是以趨而日速於死天地大德曰生聖人欲生天下而無從也故教之反其

金太史集

卷一

論

十五

所自生以自成焉而無逮於死木之有根而水之有源也以其生生也有易名焉而以爲妙物而不物於物也有神名焉諸所名狀不一而足而神之一字則易所言之最複者也周子曰動而無靜靜而無動物也動而無動靜而無靜神也動而無動靜而無靜非不動不靜也繇斯以譚人之相爲隱現者物與神焉耳孟子第人所造而極之聖不可知始謂神焉神亦性號也繼之者善彼可欲之謂善又何其與神者若是懸絕歷數階而始至也書曰聖罔念作狂克念

作聖蓋必極而論之彼衆人非其無神而聖人尙不能無物必真無物焉而始謂神也以是爲盡性之至焉耳故其初也入神而其既也窮神故吾謂天下之言學也則性而已矣性斯神此外皆物也物存而神隱卽張子所謂心亦物也張子有言曰知象者心存象之心亦象而已謂之心可乎故學者大患惟不知性也知性則妙物而不物無一物而非性無復所容其心不然并其所謂神者亦物矣又何心之足云哉故曰名字之惑人也名字不必問而要識聖人之大

金太史集 卷一 論

上

指在教天下以逆而無順而忘其所自生如臣子之於君父焉已天下皆知順而不知逆故慈之脉盛行人間而反而孝其親者則希爵祿之班於臣下者無日而缺而盡忠以事其上者寥寥也日挾此以翕受萬物而曾不一反念焉而皇皇乎終日自以爲不足此亦無君父之至矣而曉曉曰此性命之學拱手而讓之方外之士嗚呼學之衰也而天下不知性命性命之旁見雜出也而天下於是亦無忠孝天下之生久矣我亦欲正人心心其可無存乎

一人元良萬邦以貞論 節課

無天下萬世之深情者不可以與深言天下之事故求嘗慮之以爲慮之而不必獲未嘗爲之以爲爲之而或難成嗚呼天地雖大固無如人何也天地生人而與人以心心固其慮焉爲焉者也故有天下萬世之深情者必不聽其命於天地而以爲天下之事存乎其人天地生人而與人以心非必盡人心而皆能有所慮有所爲也君子以爲此宇宙之事所當爲者亦無幾何耳鳥用舉一世而皆用其心以有慮有爲

金太史集 卷一 論

七

必舉一世而皆用其心以有慮有爲此亂之徵也天下有能慮者能慮則莫敢不畢其慮有能爲者能爲則莫敢不致其爲若是而慮亦不必無遺謀爲不必無遺力起而視天下而已無不獲之事無不成之功用人心之半而可以收事功之全豈異人任哉而古今聖賢恒懷能抱具多不能展至鬱鬱焉老死而竟不得志者蓋其可能者人也其不可者天也所謂天者何非天也亦人也所謂人則非衆人之人而一人之人也故曰一人元良萬邦以貞明乎此一人者慮